

**Jubilæum Sæculare Ecclesiæ Catholicæ Per Septendecim
Sæcula Militantis & Triumphantis Contra Idololatriam,
tyrannos, hæreses, schismata, errores, & scandala**

Per Septendecim Sæcula Militantis & Triumphantis Contra Idololatriam,
tyrannos, hæreses, schismata, errores, & scandala ; Ex Annalibus
Ecclesiasticis collectum Pro Xenio Oblatum Academicæ Sodalitati
Dominorum B. Mariæ Virginis Annunciatæ Herbipoli, Anno ...


Herbipoli, 1699

Decas IV. Ab anno 30. ad annum 40.

[urn:nbn:de:hbz:466:1-64743](#)

Credibilius est S. Josephum in hac annorum decade obivisse, quam quod quidam sine fundamento scribunt eundē post resurrectionem Domini adhuc superstitem fuisse. Si enim Passionis tempore Josephus adhuc vixisset, Dominus matrem suam non Joanni fidelissimo Virginitatis custodi commendasset, quae jam Josepho fuerat commendatissima.

Pontius Pilatus anno Christi vigesimo octavo, nocte intempestâ Cæsaris imagines intulit Hierosolymam, quod ingentem inter Judæos tumultum suscitavit: multis quoque rapinis & crudelitatibus vexavit, idque integro decennio, quo eis præfuit.



DECAS IV.

❖ Ab anno 30. ad annum 40. ❖

31. **R**edemptor humani generis JESUS CHRISTUS Deus noster, lux vera, lumine prædicationis effulgere cœpit. baptizatus igitur est Dominus a servo suo Joanne post impletum annum vitæ trigesimum, ut Baronius ex probatissimis scriptoribus, & præcipue S. Ignatio Martyre coætaneo Christi computat, die sextâ Januarii, ut semper tenuit Ecclesia Occidentalis,

A 3

Ma

Memorat S. Chrysostomus in hom. de Baptismo Christi ex sanctificatione tunc aquis inditâ, annum eâ nocte, quâ baptismi Christi solennitas celebratur, fieri miraculum consuevisse, ut quam fideles acceptam aquam domum referrent, ac reconderent, ea non solum integro anno, sed etiam biennio ac triennio incorrupta conservaretur. Quod intelligendum est de aqua eâ nocte in Ecclesia conservari solita, ut a Græcis observari docet Baronius, non autem passim de omnibus aquis eâ nocte haustis.

Christus à Joanne baptizatus secedit in solitudinem & 40. diebus jejunat. * Invitatus venit ad nuptias & aquam in vinum convertit, * venit Hierosolymam ad Pascha celebrandum* Judæam lustrat & miracula patrat. * Joannes Baptista ab Herode mittitur in carcerem, * Jesus venit in Samariam, inde in Galilæam & iterum in Canam Galilæam, ubi filiam Reguli cuiusdam (Dominus is erat alicujus oppidi, qui tamen Tetrarchæ suberat) absentem sanitati restituit. * Vocat Andream & Joannem, aliaque memorabilia innumera patrat.

A multis iisque gravissimis auctoribus scriptum reperitur, quod ABGARUS Edessæ, Syriæ civitatis Rex famâ miraculorum permotus Epistolâ missâ Christum ad sê Edessam

sam invitaverit. Rescripsisse verò Domi-
num & laudasse fidem ejus , se verò excu-
sâsse, quod iis, ad quos missus esset, occupa-
tus à Judæa recedere non posset, Cæterum
missurum se post suam ascensionem unum
ex discipulus suis , qui ei salutem animæ
& corporis restitueret.

*Hæc Epistola quam Eusebius ex tabulis Edes-
senis historiae sue intexuit , tametsi à Gelasio in-
ter apogrypha numeretur, non tamen omnino
proscripta est. Sicut nec historia, que circum-
fertur de transmissa imagine, quam Christus di-
vino vultûs attactu linteo impresserit ḡ Abaga-
ro Christum videnti per cupido transmiserit, vir-
tute cujus plura miracula præstata fnerint in Ec-
clesia , de quo scribit Hadrianus Papa ad Ca-
rolum Magnum.*

* 32. Christus creat Apostolos * Sermo-
nem habet in monte de beatitudine verâ,
& Christianæ legis perfectione * multa sig-
na facit * in domo Simonis Leprosi man-
ducat, pedes ejus lacrymis rigante Mag-
dalena. * Patitur multas contradictiones
Judæorum, & insidias eludit.

* 33. Herodes Antipas Tetrarcha Galilææ in ipso convvio natalis sui , ab Hero-
diade concubina deceptus, ut ejus filiæ
saltatrici satisfaceret, Joannem Baptistam
in castello Macherunte carcere custodi-

8 Ab ortu Christi

tum truncari jubet. * Christus multiplicat panem. * Peragrat Galilæam declinans Judæam. * Petro confitenti Principatum promittit in Ecclesia sua. * Transfiguratur in monte * à Judæis ad lapidandum quæritur. * Restituit visum cæco nato lavanti se in siloe natatoria.

Fuit autem Siloe fons ad radicem montis Sion, qui non jugiter ebulliebat aquas, sed certis tantum horis diei. Memorat S. Hieronymus eum precibus Isaiæ Prophetæ primum erupisse, ut obsessis sub Ezechia Rege Judæis succurreretur, quoties iidem aquatum venirent, undam præbuisse, hostibus verò venientibus latuisse.

Eodem anno designat Dominus septuaginta duos discipulos, * docet divitias esse contemnendas * atque inter alia de Epulone divite ad inferos damnato, & mendico Lazaro narrationem intexit.

Hæc narratio an Parabolica, an historia vera sit, variant auctores : Baronius illis ad stipulatur qui putant esse veram historiam. Et quidem Euonymius ex Hebræorum traditione ait diviti Epuloni fuisse nomen NYNENSIS. Confirmatur etiam hæc sententia quod multis in locis in honorem ejusdem Lazari erectæ ecclesiæ habeantur. Neque obstat, quod ibi mentio fiat de Sinu Abraham, de lingua, de digito, quia in divinis scripturis usitatum est, corporea membra, Deo, Angelis,

25

¶ animabus ad meliorem intelligentiam adscribere.

* 34. Lazarus resuscitatur, * Concilium adversus JESUM initur. * Hierosolymis festivo applausu & voce Hosanna resonante excipitur.

Est autem vox Hosanna idem ac Latinis Salva quæso. Vox usitata in festo Tabernaculorum, quando DEUM deprecantibus sacerdotibus populus respondere consueverat, ut nos in Litaniis facimus, Hosanh-na. Libera seu salva quæso.

Arefacit arborem fici. * Fraudulentas quæstiones Phariseorum, præsertim de tributo pendendo Cæsari, eludit. * Inungitur à Magdalena * à Juda Iscarioth XXX argenteis venditur.

Quando Christus dicitur venditus 30. argenteis, non videtur ea summa intelligenda de florensis paucis, sed (quod probabilius autumat Baroniis) significat summam quandam multò maiorem, unde ager figuli emi poterat in Palæstina, in qua regione, utpote valde angusta ¶ simul populosissima, agri magno pretio constabant. Vox argenteus si reperitur in Pentateuco significat Selagh hoc est Siclum unum. Si reperitur in Prophetis, significat Litrin, hoc est libram; Si in Hagiographis, Canterin, hoc est talentum. Et hæc ratione probabilius est Evangelistam u-

AS sur-

*surpasse more, quo prophetæ uti consueverunt, ni
mirum pro 30. libris argenti.*

JESUS Pascha manducat cum discipulis *
 Pedes Apostolorum lavat * Eucharistiam
 instituit * Orat in monte * Capitur * Pati-
 tur * Moritur anno decimo octavo Tiberii
 Imperatoris, expleto anno ætatis trigesi-
 mo tertio & tribus mensibus juxta compu-
 tum Mariani Scotti, Eusebii, Nicetæ, Ce-
 dreni & plurimorum antiquiorum, quibus
 adhæret Baronius. De die Mensis, quo
 mortuus est Christus, major adhuc lis est an
 fuerit 25. Martij, an alia ejus mensis, forte
 etiam (ut quidam memorant) dies Aprilis.
 De die hebdomadæ certū est fuisse sextam
 Sabbathi dictam Judæis, Gentilibus autem
 diem Veneris, Christianis Græcis Parasce-
 ven, Latinis feriam sextam. * Resurgit Christus
 tertio die à mortuis * apparel diversi-
 modè * Spiritum sanctum suis impartitur
 * Apostolos in Galilæam ablegat, ibidem
 que eductis foras in Bethaniam, elevatis
 manibus benedicit, & in cœlum ascendit
 egregium relinquens ascensionis suæ mo-
 numentum, non modo Apostolis, sed poste-
 ris omnibus spectandum, sacrorum pedum
 suorum impressa terris vestigia, eo loco,
 quo in monte Oliveti elevatus est in
 cœlum,

Christi

Christi porrò vestigia in tantum ibidem inhærent, ut cum ea terra quotidie à fidelibus devotionis ergò afferatur, nihilominus eadem vestigia pristinum statum continuò recipiant. Et cum ecclesia eo loco conderetur, summum tantum cacumen propter Dominici Corporis meatum contegi non potuit. Testatur hæc Hieronymus, Paulinus, Beda.

Post Ascensionem Domini in locum Judæ subrogatur Mathias * Spiritus sanctus descendit & format Evangelii Præcones * Baptismus à Petro in nomine Christi confertur * Christi fides miraculis ab Apostolis variè confirmatur.

Primam discordiam in ecclesia moverunt Græci, id est Judæi, qui in Græcia nati, lingua eorum ac moribus imbuti erant, neque enim id de gentilibus intelligi potest, ut pote ad quos Evangelium nondum pervenerat. Discordiæ autem causa fuit, quod viduæ eorum despicerentur in ministerio, scilicet in rerum communium quotidiana distributione sive in A G A P E. Viderunt enim quod viduæ Hebræorum, qui in Iudæa nati erant, in distributione tam vestium, quam ciborum tanquam honoratores cæteris præponerentur. Hoc murmur dedit occasionem Apostolis eligendi septem Diaconos, qui imposterum essent præfecti

mensæ, non tantum profanæ, ut perperam id putant hæretici, sed etiam Eucharisticæ, quæ Hierosolymis & alijs in locis tunc temporis cœnæ communi, seu publico illi convivio (quod in signum charitatis ex communi thesauro ecclesiæ instruebatur & AGAPE dicebatur) præmitti solebat. Ministrabant ergo Diaconi Apostolis Eucharistiam confientibus, & postmodum profanas etiam mensas ex officio curabant.

S. Jacobus Alphæi, cognomento Justus idemque frater Domini dictus à Petro, totius orbis Magistro præpositus & ordinatus est primus Hierosolymorum Episcopus. Primus ille habuit Cathedram ligneam Episcopalem, quam Eusebius ad sua usque tempora reservatam & permagni habitam fuisse scribit. Primus etiam usurpavit Cidarin, item Poderem & super humerale seu stolam Episcopalem.

S. Stephanus Protomartyr lapidatur.

¶ 35. Dispersis post necem S. Stephani Christianis, præter Apostolos, qui Hierosolymis adhuc remanebant, per diversas terras Ecclesia Dei feliciter propagatur, Lazarus, Maria Magdalena, Martha & Marcella pedissequa unâ cum Maximino Christi discipulo navi absque remigio imposita divinâ Providentiâ in Massiliam appellunt.

S. Pau-

S. Paulus anno ætatis suæ probabiliter trigesimo quarto convertitur ad Christum * Philippus prædicat Samaritis * Baptizatis Sacramento confirmationis Spiritus sanctus impertitur * Redarguitur Simon Magus, volens pecuniâ emere virtutem dandi Spiritum sanctum.

Simon Magus doctrinæ Apostolorum plurimùm obversatur primus omnium hæresiarcha.

HÆRESIS ET IMPIETAS SIMONIS MAGI.

Primò jaſtabat ſe eſſe magnam Dei virtutem, ſic dementārat Samaritas (erat autem ſipſe Samaritanus, natus in vico cui nomen Gittoni) Iudeis, autem Christo infenſis ſuadere conabatur ſe eſſe Dei filium, in Iudeos, & in Samariam deſcendiffe tanquam patrem, in reliquas autem gentes, quaſi Spiritum ſanctum adventaſſe. Circumducens etiam ſecum Selenem quandam, ſive Helenam dictam, à Tyro, civitate Phœnicis, quaſtuariam redemptam appellabat primam mentis ſuæ conceptionem, matrem omnium, per quam initio creāſſet Angelos, à quibus poſteā mundus eſſet effeſtus; Porrò Angelos, aegrè ferentes ſe progeniem alterius cujuſquam putari, in ipsam Selenem commotos, eam in terra retinuisse, ne ad Patrem ſuum furſum recurreret, uſque adeo, ut in corpore humano includeretur, & per ſecula

veluti de vase in vas transmigraret in corpore muliebria, fuisseque etiam in illa Helena, propter quam bellum Troianum exortum esset. Hæc Similia plurima & absurdissima effutiebat Prestigiator impius. S. Irenæus de eo fusè commemorat. Unde S. Ignatius jure hunc Simonem primogenitum Satanæ appellavit: Sedatores illius à nefandis operibus suis dicti sunt ENTHITÆ: de quorum absurdis Epiphanius.

Philippus Diaconus ab Angelo admonitus occurrit Eunicho Candacis Reginæ Aethiopum, eoque instrueto & baptizato raptus à Spiritu divino transfertur in Azotum.

Eunuchum hunc Evangelium Christi, prout è Philippo instruitus erat, prædicasse & Martyrissim postmodum subiisse docent multi Ss. Patres. ¶ 36. 37. 38. ¶ Caiphas ut scribit Nicephorus vitæ pertæsus mortem sibi ipsi conscient. Pilatum quoque in Galliam relegatum Viennæ propriâ manu sibi necem intulisse plurimi referunt. Paulus prædicat passim Evangelium, & Damasco (ibi per sportam diuissus) venit Hierosolymam ad Petrum videndum.

¶ 39. Tiberius moritur relicto Imperij hærede Cajo Caligula. S. Petrus Antiochenam fundat Ecclesiam, ibique primò collocat Cathedram veritatis.

Sedis

Sedis hujus institutæ memoria recolitur, ab Ecclesia 8. Kal: Martii. Selecta autem fuit Antiochia pro erigenda prima Sede, quia tunc temporis Orientis caput erat, cui plures provinciae ipsa Palæstina subjacebat. Ut sic civilem potentiam Ecclesiastica sequeretur.

* 40. Herodes cum Herodiade ab Agrippa litteris apud Cajum de proditione accusatus, Lugdunum in Galliam exul relegatur cum verò Caius audisset, Herodiadem esse sororem Agrippæ & in ejus gratiam ab exilio Herodiadem liberare vellet, Herodias magno animo recusavit, afferens, non esse æquum, ut cui secundæ fortunæ extitisset socia, eum in adversâ desereret. ita Josephus.

Petrus hoc anno plurima loca peragrat & doctrinâ ac miraculis illustrat: in Joppe præsertim Tabitham Christianam sanctissimam fœminam nuper defunctam ad vitam revocat.



DECAS V.

* ab anno 40. ad 50. *

* 41. Matthæus hoc anno scripsisse perhibetur Evangelium Hierosolymis, ut vulgò asseritur Hebraico Sermone, tum Judæis, qui crediderunt, tum Apostolis id exposcentibus.

Cajus